



2025/26

PTMC

Nodiadau ymgeisio ar gyfer myfyrwyr rhan-amser parhau

Rydym yn croesawu ceisiadau yn Gymraeg. Ni wnaiff hynny arafu ein hymateb.
Gallwch hefyd wneud cais ar-lein yn www.cyllidmyfyrwryrcymru.co.uk

Ynghylch y nodiadau hyn

Dylid darllen y nodiadau hyn ynghyd â'ch ffurflen gais am grant i fyfyrwyr parhau rhan-amser.

Dychwelyd eich ffurflen

Dychwelwch eich ffurflen wedi'i llenwi ac unrhyw ddogfennau at:

Cyllid Myfyrwyr Cymru
Blwch Post 211
Cyffordd Llandudno
LL30 9FU

Amserlen dychwelyd eich ffurflen

Dylech ddychwelyd eich ffurflen o fewn naw mis o gychwyn y flwyddyn academiaidd, fel arall efallai y gallech golli eich hawl i gael cyllid myfyrwyr.

Cofiwch dalu'r tâl post cywir.

Darganfyddwch ragor

Gallwch ganfod rhagor o wybodaeth am cyllid i fyfyrwyr rhan-amser trwy:

- droi at www.cyllidmyfyrwryrcymru.co.uk
- darllen ein canllawiau i fyfyrwyr rhan-amser
- siarad â'ch prifysgol neu eich coleg
- ffonio ni ar **0300 200 4050**

Gwybodaeth arall

Ffurfiâu eraill

Gallwch archebu ffurflenni a chanllawiau Braille, print bras neu sain trwy anfon e-bost gyda'ch enw, eich cyfeiriad, a'ch Cyfeirnod Cwsmer ynghyd â manylion y ffurflen a'r fformat yr hoffech eu cael at brailleandlargefonts@slc.co.uk neu gallwch ein ffonio ar **0141 243 3686**. Sylwer, dim ond ceisiadau am ffurflenni a chanllawiau ar ffurfiâu eraill y gall y cyfeiriad e-bost a'r rhif ffôn uchod ddelio â hwy.

1 Eich manylion personol

1.1 Cyfeirnod Cwsmer



Eich Cyfeirnod Cwsmer yw eich cyfeirnod personol ac mae'n cynnwys 11 rhif. Bydd gennych un o'r rhain os ydych eisoes wedi cael benthyciad i fyfyrwyr neu unrhyw gyllid arall i fyfyrwyr gan y Cwmni Benthyciadau i Fyfyrwyr (SLC). Efallai bod gennych gyfeirnod os ydych wedi rhannu gwybodaeth ariannol at ddiben cais myfyriwr arall. Os nad oes gennych un, neu os na wyddoch eich Cyfeirnod Cwsmer, gadewch hyn yn wag.

1.2 Manylion personol



Bydd angen ichi anfon eich:

- gweithred newid enw, os yw'n briodol.
- tystysgrif priodas/ysgariad, os yw'n briodol.
- gorchymyn diddymu partneriaeth sifil, os yw'n briodol.
- gorchymyn terfynol neu amodol, os yw'n briodol.

1.3 Rhif Yswiriant Gwladol



Os oes gennych chi Rif Yswiriant Gwladol ond na fyddwch yn ei nodi, ni fyddwch yn cael eich benthyciad(au) a bydd yn rhaid i chi dalu'ch ffioedd dysgu a'ch costau byw eich hun nes byddwch wedi datrys hyn.

Nodir eich Rhif Yswiriant Gwladol ar unrhyw rai o'r canlynol:

- eich cerdyn neu lythyr Rhif Yswiriant Gwladol; neu
- slip talu; neu
- sogfen treth incwm megis P45 neu P60.

Os nad ydych erioed wedi cael Rhif Yswiriant Gwladol, dylech adael y bocs Rhif Yswiriant Gwladol yn wag. Byddwn yn cysylltu â chi os bydd angen i chi gymryd unrhyw gamau er mwyn cael Rhif Yswiriant Gwladol.

1 Eich manylion personol

1.6 Statws perthynas



Rydych yn 'byw gyda phartner' os ydych yn rhannu cartref gyda'ch partner ond nad ydych yn briod neu mewn partneriaeth sifil. Nid yw o bwys os ydych o'r un rhyw neu o ddau ryw gwahanol.

Os ydych dan 25 ac yn byw gyda phartner sydd wedi bod yn briod yn flaenorol, neu mewn partneriaeth sifil, gyda phartner gwahanol, bydd angen i chi anfon tystiolaeth i gadarnhau un o'r canlynol:

- rydych wedi ysgaru
- rydych wedi gwahanu
- mae eich partneriaeth sifil wedi'i diddymu
- rydych yn weddw
- rydych yn bartner sifil goroesol

Nid oes angen i fyfyrwyr 25 oed neu hŷn ddarparu unrhyw dystiolaeth statws priodasol.

Os ydych wedi dechrau partneriaeth sifil dramor neu berthynas cyfreithiol cyfwerth â phartner o'r un rhyw, byddwn yn cysylltu â chi i'ch hysbysu a gaiff hyn ei gydnabod at ddibenion cyllid myfyrwyr.

Wedi gwahanu, ysgaru neu bartneriaeth sifil wedi'i diddymu



Dim ond os yw statws eich perthynas wedi newid ers y flwyddyn academiaidd ddiwethaf y mae angen i chi anfon tystiolaeth.

Bydd angen ichi anfon:

- archddyfarniad Absoliwt; neu
- orchymyn diddymu; neu
- gorchymyn terfynol neu amodol; neu
- lythyr gan eich cyfreithiwr yn cadarnhau eich statws

2 Ynghylch eich prifysgol neu goleg a'ch cwrs

2.9 Credydau eich cwrs



Mae bob modiwl y byddwch yn ei astudio yn werth nifer benodol o gredydau. Dylech chi gytuno â'ch prifysgol neu eich coleg ynghylch faint o gredydau y byddwch yn eu hastudio.

Os na allwch gadarnhau faint o gredydau y byddwch yn eu hastudio eto, fe wnawn ni asesu eich cais gan ddefnyddio'r nifer isaf o gredydau y gellir eu hastudio ar eich cwrs. Dylech chi gysylltu â ni ar ôl i chi gytuno nifer eich credydau â'ch prifysgol/coleg.

2.10 Cyfanswm y Ffi Dysgu a godir



Os nad ydych yn sicr faint fydd fydd eich ffioedd dysgu, holwch eich prifysgol neu eich coleg i gael gwybod am hynny. Dylech nodi swm ar eich ffurflen er mwyn i'r cais gael ei dderbyn.

2.11 Cynllun Turing neu'r rhaglen Erasmus+



Os ydych chi'n cwblhau lleoliad yn rhan o'r Cynllun Turing neu'r rhaglen Erasmus+, ni fyddwch yn gymwys ar gyfer ffioedd addysgu.

2.13 Dysgu o bell oherwydd rheswm sy'n ymwneud ag anabledd



Os ydych chi'n astudio ar gwrs dysgu o bell amser llawn oherwydd eich bod chi neu aelod o'ch teulu yn gwasanaethu yn y Lluoedd Arfog tu allan i Gymru, **nid** oes rhaid i chi anfon tystiolaeth o anabledd.

2 Ynghylch eich prifysgol neu goleg a'ch cwrs

2.14 Lluoedd Arfog



Efallai y byddwch yn gymwys i gael cymorth i astudio cwrs dysgu o bell tu allan i'r Deyrnas Unedig os ydych chi neu'ch aelod o'r teulu (yr ydych chi'n byw gydag ef neu hi) ar hyn o bryd yn gwasanaethu dramor yn un o'r canlynol:

- y Gwasanaeth Llyngesol (y Llynges Frenhinol a'r Môr-filwyr Brenhinol)
- y Fyddin
- yr Awyrlu Brenhinol
- yr Heddlu Milwrol Brenhinol
- y Gyrcas

Bydd yr aelodau teulu canlynol yn fyfyrwyr cymwys:

- cymar neu bartner sifil yn byw gydag aelod o Lluoedd Arfog y Deyrnas Unedig sy'n gwasanaethu y tu allan i Gymru
- plentyn, llysblentyn neu blentyn mabwysiadol yn byw gydag aelod o Lluoedd Arfog y Deyrnas Unedig sy'n gwasanaethu tu allan i Gymru
- Rhiant dibynnol yn byw naill ai gyda:
 - phlentyn sy'n aelod o Lluoedd Arfog y Deyrnas Unedig sy'n gwasanaethu y tu allan i Gymru;
 - cymar neu bartner sifil y plentyn sy'n aelod o Lluoedd Arfog y Deyrnas Unedig sy'n gwasanaethu tu allan i Gymru.



Os ydych chi yn y Lluoedd arfog

Mae angen i chi anfon llythyr yn cadarnhau eich enw a'ch cyfeiriad (neu gyfeiriad BFPO) ac ym mha wlad roeddech chi'n preswyl fel arfer cyn i chi symud i'ch lleoliad presennol. Rhaid iddo gadarnhau hefyd y wlad rydych chi wedi'ch lleoli ynddi ar hyn o bryd.

Os yw'r aelod o'ch teulu yn y Lluoedd Arfog

Mae angen i chi anfon llythyr atom ni yn cadarnhau'r canlynol:

- ei enw;
- ei gyfeiriad (neu gyfeiriad BFPO);
- eich enw;
- ei berthynas â chi;
- os yw wedi'i leoli dramor neu yn y Deyrnas Unedig ond y tu allan i Gymru;
- os ydych chi wedi bod yn preswyl fel arfer yn y Deyrnas Unedig, y gwlad ble'r oedd yn preswyl fel arfer yn y Deyrnas Unedig cyn iddo fod wedi'i leoli yn ei leoliad presennol;
- os nad ydych chi erioed wedi bod yn preswyl fel arfer yn y Deyrnas Unedig, y wlad ble gwnaeth ymrestru i fod yn aelod o'r Lluoedd Arfog ynddi.

Rhaid i'r llythyr a anfonwch gael ei lofnodi, ei stampio a'i ddyddio gan Swyddfa Cofnodion Uned y Lluoedd Arfog.

3 Eich cais am fenthyciad

3.1 Taliadau'r benthyciad



Byddwn yn talu eich Benthyciad Ffioedd Dysgu yn uniongyrchol i'ch prifysgol neu goleg mewn tri rhandaliad yn ystod y flwyddyn academiaidd. Telir pob un o randaliadau eich Benthyciad Ffioedd Dysgu ar ôl inni gael cadarnhad gan eich prifysgol neu eich coleg eich bod yn mynychu eich cwrs. Mae uchafswm y Benthyciad Ffioedd Dysgu y gallwch chi ei gael yn dibynnu ar ble ydych chi'n astudio.

Atebolrwydd am fenthyciadau



Byddwch yn atebol am eich Benthyciad Ffioedd Dysgu bythefnos wedi dyddiad y tymor cyntaf, ac ar ddechrau'r ail dymor a'r trydydd, nid ar y dyddiadau pryd telir y rhandaliadau i'ch prifysgol neu goleg.

Atebolrwydd	% cyfanswm y Benthyciad Ffioedd Dysgu y byddwch yn atebol amdano
Tymor 1	25%
Tymor 2	50%
Tymor 3	100%

Llog



Ychwanegir llog at weddill eich benthyciad o'r diwrnod y telir rhandaliad cyntaf y benthyciad i'ch prifysgol neu eich coleg. Gallwch gael rhagor o fanylion am hyn a'r gyfradd llog bresennol yn www.gov.uk/repaying-your-student-loan

3.2 Benthyciad Cynhaliaeth



Telir y benthyciad hwn fel rhandaliadau yn uniongyrchol i chi, a'i fwriad yw helpu i dalu am eich costau byw trwy gydol y flwyddyn academiaidd.

Ymgeisio am fenthyciad ar ddyddiad diweddarach neu newid y swm a geisiwyd



Gallwch ymgeisio am Fenthyciad Cynhaliaeth neu Benthyciad Ffioedd Dysgu ar unrhyw adeg yn ystod y flwyddyn academiaidd os bydd hynny o fewn y terfyn amser. Fel arfer, bydd y terfyn amser ar gyfer cyflwyno cais yn naw mis o ddechrau eich blwyddyn academiaidd. Gallwch ymgeisio am Fenthyciad Cynhaliaeth neu Fenthyciad Ffioedd Dysgu, neu newid y swm y gwnaethoch ofyn amdano'n wreiddiol, yn www.cyllidmyfyrwycymru.co.uk

4 Myfyrwyr dibynnol ac annibynnol

4.3 Gofalu am blentyn



Mae gofalu am rywun sydd dan 18 oed yn golygu eich bod yn gofalu am blentyn a bod y plentyn yn byw gyda chi, beth bynnag fo'ch perthynas â'r plentyn.



Anfonwch gopi o dystiolaeth sy'n dangos mai chi sy'n gofalu am y plentyn, er enghraifft, tystiolaeth eich bod yn derbyn Budd-dal Plant, Credyd Treth Plant neu elfen plentyn Credyd Cynhwysol.

4.4 Ymddieithrio heb obaith cymodi



Fel arfer byddwch yn cael eich ystyried fel rhywun sydd wedi ymddieithrio heb obaith cymodi oddi wrth eich rhieni os na fyddwch wedi cael unrhyw gyswllt llafar nac ysgrifenedig â'ch dau riant biolegol neu fabwysiadol, neu'ch unig riant sy'n fyw, am 12 mis neu ragor cyn cychwyn ar eich blwyddyn academiaidd, ac ni wnaiff hyn newid.

Ni chewch eich ystyried i fod wedi ymddieithrio heb obaith cymodi oddi wrth eich rhieni oherwydd:

- nad ydych yn gallu cyd-dynnu'n dda â'ch rhieni;
- nad ydych yn byw gyda'ch rhieni;
- nad yw eich rhieni am roi manylion eu hincwm; neu
- mae eich rhieni yn dewis peidio â rhoi cymorth ariannol i chi.

Dan ofal cyfreithiol awdurdod lleol, neu dan orchymyn gwarchodaeth arbennig



Os ydych wedi bod yng nghystodaeth neu ofal cyfreithiol Awdurdod Lleol, neu dan orchymyn gwarchodaeth arbennig ar unrhyw adeg rhwng 14 ac 16 oed (cyn cychwyn eich cwrs) ond wedi bod yn ôl yng ngofal cyfreithiol eich rhieni, byddwch yn dal i gael eich ystyried yn annibynnol.

Dim ond os ydych chi'n ymgeisio am unrhyw grantiau ar gyfer dibynyddion, fel Lwfans Dysgu Rhieni (PLA) a Grant Oedolion Dibynnol (ADG) y dylech chi anfon tystiolaeth o incwm eich cartref atom.

5 Cwestiynau ariannol myfyrwyr

5.1 Incwm heb ei ennill

9

Efallai y gofynnir i chi gadarnhau unrhyw amcangyfrif o'ch incwm yn ddiweddarach.

Os yw eich gwir incwm yn wahanol i'r amcangyfrif, byddwn yn ail asesu eich hawl i gyllid myfyrwyr. Gall hyn newid y lefel o gymorth ariannol y byddwch yn ei gael.

Wrth gyfrifo eich incwm trethadwy heb ei ennill ni ddylech gynnwys:

- enillion o waith amser llawn neu ran-amser fel gwaith yn y gwyliau neu waith y byddwch yn ei wneud yn ystod y tymor;
- unrhyw Fenthyciad Cynhaliaeth neu daliadau grant y gallwch eu derbyn;
- taliadau y byddwch chi'n eu cael gan eich rhieni trwy gyfamod;
- taliadau cynhaliaeth y byddwch chi'n disgwyl eu cael ar gyfer eich plant. Dylai'r taliadau cynhaliaeth hyn gael eu cynnwys fel rhan o incwm eich plant yng nghwestiwn 5.3;
- Bwrsariaethau Hyfforddi Athrawon;
- Bwrsariaeth Addysg Uwch (i'r sawl sy'n gadael gofal);
- cymorthdaliadau a delir gan y lluoedd arfog i filwyr wrth gefn neu bensiynau anabledde neu anallu; neu
- ISAs.

5.2.1 Taliadau gan gyflogwr

9

Dylech nodi swm yma dim ond os byddwch yn cael eich rhyddhau o'ch gwaith gan eich cyflogwr i ddilyn y cwrs.

Os yw hynny'n wir, dim ond cyflog ar gyfer y dyddiau yr ydych yn mynychu'r cwrs ac wedi cael eich rhyddhau o'ch gwaith ar eu cyfer y dylech ei gynnwys. Gall unrhyw enillion o gyflog a nodir yma gael effaith ar eich hawl i gyllid myfyrwyr.

Peidiwch â nodi unrhyw swm yma os ydych yn fyfyrwr sy'n gweithio tra byddwch yn astudio ond nad ydych wedi cael eich rhyddhau yn benodol gan eich cyflogwr i fynychu eich cwrs.

5 Cwestiynau ariannol myfyrwyr - parhad

5.3 Plant dibynnol



Rhaid ichi gynnwys unrhyw incwm a gaiff y plentyn trwy weithio, o log a enillwyd ar gynilon, o fuddsoddiadau ac o unrhyw daliadau cynhaliaeth rydych yn disgwyl eu cael ar gyfer eich plant fel rhan o'u hincwm hwy yn y cwestiwn hwn.

Peidiwch â chynnwys incwm o ffynonellau megis Budd-dal Plant, Credyd Treth Plant, elfen plant y Credyd Cynhwysol, Cronfa Ymddiriedolaeth Plant y Llywodraeth neu symiau minimol o arian o ffynonellau eraill wrth nodi incwm plentyn dibynnol.

Os bydd incwm eich plentyn dibynnol yn llai o 15% o leiaf nag yr oedd yn y flwyddyn dreth 2023-24 gallwch wneud cais am asesiad o incwm y flwyddyn gyfredol. Bydd hyn yn golygu ein bod yn defnyddio ei incwm disgwyledig ar gyfer blwyddyn dreth 2025-26 yn hytrach na'i wir incwm ar gyfer 2023-24 wrth gyfrifo eich hawl i gael grant. Os dymunwch gael eich asesu gan ddefnyddio'r incwm disgwyledig ar gyfer y flwyddyn dreth 2025-26 defnyddiwch y tudalennau nodiadau ychwanegol ar gefn y ffurflen gais i roi manylion i ni.

Incwm y plentyn



Anfonwch lungopïau o dystiolaeth yn dangos incwm y plentyn o bob ffynhonnell ar ôl didynnu treth a chyfraniadau Yswiriant Gwladol ym mlwyddyn dreth 23-24.

7 Categori Cymorth Arbennig

Byddwch yn cael eich asesu am Gymorth Arbennig unwaith y byddwn yn derbyn tystiolaeth i ddangos eich bod yn gymwys. Os nad oes gennych y dystiolaeth yn awr, fe ddylech anfon eich cais yr un fath ac anfon y dystiolaeth cyn gynted ag y byddwch yn ei chael.

Categori Cymorth Arbennig	Eitem(au) tystiolaeth gofynnol
Rydych yn unig riant (neu unig riant maeth) i blentyn neu unigolyn ifanc dan 20 oed sydd mewn addysg amser llawn dan lefel addysg uwch	Copiâu o dystiolaeth sy'n dangos Budd-dal Plant, Credyd Treth Plant neu elfen plentyn Credyd Cynhwysol, ar gyfer pob plentyn a enwir.
Mae gennych bartner sydd hefyd yn fyfyrwr amser llawn, ac mae un neu'r ddau ohonoch yn gofalu am blentyn neu berson ifanc dan 20 oed sydd mewn addysg amser llawn islaw lefel addysg uwch	- Copiâu o dystiolaeth sy'n dangos Budd-dal Plant, Credyd Treth Plant neu elfen plentyn Credyd Cynhwysol, ar gyfer pob plentyn a enwir, a - Llythyr yn cadarnhau bod eich partner yn fyfyrwr os nad yw wedi gwneud cais am gyllid myfyrwr.
Mae gennych anabledd ac rydych yn gymwys i gael y Premiwm Anabledd neu Bremiwm Anabledd Difrifol	- Tystiolaeth i ddangos eich bod yn gymwys i gael y Premiwm Anabledd neu Bremiwm Anabledd Difrifol, neu - Dystiolaeth i ddangos eich bod yn gymwys i gael un o'r budd-daliadau canlynol: – Lwfans Byw i'r Anabl – Credyd Treth Person Anabl – Lwfans Gweini – Lwfans Gweini Parhaus – Ategiion Symudedd Pensiynwr Rhyfel – Lwfans Anabledd Difrifol – Budd-dal Anallu
Rydych yn fyddar ac yn gymwys i gael Lwfans Myfyrwyr Anabl	Tystiolaeth feddygol o'ch anabledd, os nad ydych wedi ymgeisio am Lwfans Myfyrwyr Anabl.
Rydych wedi cael eich trin fel rhywun na all weithio am gyfnod parhaus o 28 wythnos o leiaf	- Llythyr gan Ganolfan Byd Gwaith yn cadarnhau eich bod yn derbyn budd-daliadau anallu tymor hir, neu - Lythyr gan eich meddyg yn cadarnhau nad ydych yn alluog i weithio.
Mae gennych anabledd ac rydych yn gymwys i gael y Lwfans Gwaith a Chymorth Cysylltiedig ag Incwm	- Llythyr gan Ganolfan Byd Gwaith i gadarnhau eich bod yn gymwys i gael Lwfans Cyflogaeth a Chymorth oherwydd anabledd, neu - lythyr hawl i Lwfans Cyflogaeth a Chymorth a phrawf o'ch anabledd, er enghraifft, llythyr gan eich meddyg.

8 Ynghylch eich teulu

Myfyrwyr dibynnol



Os ydych chi'n fyfyrwr dibynnol, mae'r perthnasau canlynol yn cyfrif at ddibenion asesu incwm:

- eich rhieni naturiol neu fabwysiadol, os yw'r ddau ohonynt yn byw gyda chi; neu
- eich rhiant a'i bartner, os oes ganddo/ganddi un.

Diffinnir partner eich rhiant fel:

- eich llystad neu eich llysfam;
- partner eich rhiant o'r rhyw arall neu o'r un rhyw os ydynt yn cyd-fyw fel pe baent yn briod neu mewn partneriaeth sifil.

Myfyrwyr annibynnol



Os ydych yn fyfyrwr annibynnol, dim ond eich partner, os oes gennych un, fydd yn cyfrif.

Diffinnir eich partner fel a ganlyn:

- eich gŵr, gwraig neu bartner sifil;
- eich partner o'r rhyw arall neu o'r un rhyw, os ydych yn byw gyda'ch partner fel pe baech yn briod neu mewn partneriaeth sifil.

8.2 Statws perthynas presennol rhiant



Os yw'r rhiant yr ydych yn arfer byw gydag ef neu hi wedi piodi eto rhwch dic yn y blwch riod/partneriaeth sifil.

8.2.1 Statws perthynas presennol rhiant



Os yw eich rhieni wedi ysgaru, gwahanu, neu os ydynt wedi bod mewn partneriaeth sifil sydd wedi diddymu ers dechrau eich cwrs, mae angen i chi anfon tystiolaeth.



Dim ond os yw wedi cefnogi cais o'r blaen ac mae ei statws priodasol wedi newid y bydd angen i'ch rhiant anfon tystiolaeth.

Llungopi o'r canlynol:

- archddyfarniad absoliwt/archddyfarniad amodol, neu
- orchymyn diddymu, neu
- gorchymyn terfynol neu amodol, neu
- lythyr gan ei dwrnai yn cadarnhau ei statws.

Beth fydd yn digwydd os yw incwm fy nghartref wedi newid ers blwyddyn dreth 2023-24?

Os bydd cyfanswm incwm eich cartref (cyn treth) ar gyfer blwyddyn dreth 2025-26 o leiaf 15% yn llai nag yr oedd ym mlwyddyn dreth 2023-24, llenwch yr adran hon o hyd yn ogystal â chwblhau 'Ffurflen Asesu Incwm y Flwyddyn Gyfredol'.

Gallwch lawrlwytho'r ffurflen hon yn: www.cyllidmyfyrwycymru.co.uk a'i dychwelyd gyda'r cais hwn.



Noder na ellir cyflawni asesiad incwm blwyddyn bresennol oni bai eich bod yn darparu'ch manylion ariannol ar gyfer blwyddyn dreth 23-24.

Rhan A – Manylion personol

Statws Priodasol

Os ydym eisoes wedi derbyn tystiolaeth a anfonwyd gennych i gefnogi cais blaenorol ar gyfer y myfyriwr hwn nid oes angen i chi anfon unrhyw ddogfennau pellach. Dim ond os ydych chi wedi cefnogi cais o'r blaen ac mae eich statws priodasol wedi newid y mae angen i chi anfon tystiolaeth. Tystiolaeth y gallwch anfon copi ohoni:

- Archddyfarniad absoliwt
- Archddyfarniad nisi
- Gorchymyn diddymu
- Bil treth gyngor diweddaraf yn dangos gostyngiad deiliadaeth sengl o 25%
- Llythyr gan eich cyfreithiwr yn cadarnhau eich statws
- Gorchymyn terfynol neu amodol

Rhan B – Rhannu data a chi

Byddwn yn gwirio eich rhif Yswiriant Gwladol (YG) gyda Chyllid a Thollau EF. Fe gedwir yr wybodaeth hon yn ddiogel ac yn gyfan gwbl yn unol â darpariaethau'r ddeddfwriaeth diogelu data perthnasol yn y Deyrnas Unedig.

Os nad oes gennych rif YG rhaid i chi ddarparu copïau o'ch dogfennau ariannol.

Os nad oedd gennych unrhyw incwm ar gyfer blwyddyn dreth 2023-24, mae angen i chi ddarparu:

- llythyr oddi wrthyh yn cadarnhau nad oedd gennych unrhyw incwm ar gyfer blwyddyn dreth 2023-24; neu
- llythyr gan unrhyw drydydd parti a oedd yn eich cefnogi yn ystod y flwyddyn dreth (fel partner)

Rhaid i'r llythyr gael ei lofnodi a'i ddyddio er mwyn iddo gael ei dderbyn.

Rhan C – Incwm arall ar gyfer blwyddyn dreth 2023-24

Rhowch wybodaeth ariannol ar gyfer blwyddyn dreth 2023-24. Fel arfer, dyma'r flwyddyn sy'n dod i ben 5 Ebrill 2024, ond gall fod yn wahanol os oes gan eich cyflogwr neu fusnes flwyddyn dreth nad yw'n dod i ben ym mis Ebrill.

C1 Incwm yn y DU nad yw CThEF yn gwybod amdano

Efallai eich bod wedi ennill o dan y trothwy i ddatgan yr incwm hwn i CThEF, ond bydd hwn yn dal i gael ei ddefnyddio i gyfrifo hawl y myfyriwr(myfyrwyr).

10 ▶ Manylion ariannol – parhad

Rhan D – Incwm tramor ar gyfer blwyddyn dreth 2023-24

C1 Incwm o dramor nad ydych wedi dweud wrth CThEF amdano eisoes

Dim ond am unrhyw incwm a enillwyd dramor nad ydych eisoes wedi'i ddatgelu i CThEF fel rhan o'ch hunanasesiad y mae'n rhaid i chi ddweud wrthym.

a Cyfanswm incwm o gyflog/hunangyflogaeth

Bydd angen i chi ddarparu copiâu o'ch dogfennau treth o'r wlad berthnasol yn cadarnhau swm yr incwm ar gyfer blwyddyn dreth 2023-24.

b Cyfanswm incwm o fudd-daliadau'r wladwriaeth

Bydd angen i chi ddarparu copiâu o'ch dogfennau budd-daliadau, o'r wlad berthnasol, yn cadarnhau cyfanswm y budd-dal(iadau) trethadwy a gawsoch ar gyfer blwyddyn dreth 2023-24.

c Cyfanswm incwm o bensiwn (neu bensiynau) galwedigaethol, preifat neu wladwriaeth

Bydd angen i chi ddarparu copiâu o'ch dogfennau pensiwn, o'r wlad berthnasol, yn cadarnhau cyfanswm y pensiwn(pensiynau) trethadwy a gawsoch ar gyfer blwyddyn dreth 2023-24.

Rhan E – Didyniadau incwm

Os na wnaethoch dalu unrhyw gyfraniadau pensiwn preifat neu gyfraniadau gwirfoddol ychwanegol

Nid oes angen i chi ddarparu tystiolaeth o hyn.

Os taloch unrhyw gyfraniadau pensiwn preifat neu gyfraniadau gwirfoddol ychwanegol

Mae'r dystiolaeth y mae angen i chi ei darparu i'w gweld yn y tabl isod.

Math didyniad	Angen tystiolaeth
Cyfraniad pensiwn preifat	Ffurflen Dreth (pob tudalen) neu Ddatganiad gan Ddarparwr Pensiwn
Cyfraniad gwirfoddol ychwanegol (AVC)	Cadarnhad gan DWP o Swm y Pensiwn a Dalwyd, Ffurflen Dreth (pob tudalen) neu P60

Rhan F – Eich dibynyddion

Blwyddyn academiaidd

Dylech ddarparu incwm y plentyn dibynnol ar gyfer y flwyddyn academiaidd. Pennir y flwyddyn academiaidd yn ôl pryd y bydd y myfyriwr yn dechrau ei astudiaethau.

Mae astudiaethau'r myfyriwr yn dechrau rhwng	Blwyddyn academiaidd
1 Awst 2025 a 31 Rhagfyr 2025 yn gynhwysol	1 Medi 2025 hyd 31 Awst 2026
1 Ionawr 2026 a 31 Mawrth 2026 gynhwysol	1 Ionawr 2026 hyd 31 Rhagfyr 2026
1 Ebrill 2026 a 30 Mehefin 2026 yn gynhwysol	1 Ebrill 2026 hyd 31 Mawrth 2027
1 Gorffennaf 2026 a 31 Gorffennaf 2026 yn gynhwysol	1 Gorffennaf 2026 hyd 30 Mehefin 2027

Plant dibynnol nad ydynt mewn addysg bellach

C1 Mae incwm y dibynnydd sy'n blentyn yn ofynnol i asesu'r cymhwyster ar gyfer y didyniadau yng nghyfrifiad incwm y cartref ar gyfer pob plentyn sy'n gyfan gwbl neu'n rhannol ddibynnol yn ariannol ar y myfyriwr, gwr, gwraig neu bartner y myfyriwr neu rieni neu lys rieni'r myfyriwr.

Gallwch gael rhagor o wybodaeth am sut y cyfrifir incwm y cartref trwy droi at

www.cyllidmyfyrwrcymru.co.uk

Peidiwch â chynnwys incwm o ffynonellau megis Ymddiriedolaeth Plant y Llywodraeth, Budd-dal Plant y Wladwriaeth, Credyd Treth Plant, elfen plant y Credyd Cynhwysol neu isafsymiau o arian o ffynonellau eraill wrth nodi incwm dibynnydd sy'n blentyn.

Datganiad i rieni a phartneriaid

Os na fydd unrhyw unigolyn/unigolion a enwir yn adran 9 yn gallu llofnodi'r ffurflen, rhaid i'w atwrnai ei llofnodi ar eu rhan. Rhaid anfon llythyr y Pŵer Atwrnai gyda'r cais hwn cyn y derbynnir llofnod gan y atwrnai hwnnw.

Newid mewn amgylchiadau

Rhaid i chi hysbysu'r SLC o unrhyw newid i'ch amgylchiadau, a allai effeithio ar hawl y myfyriwr i gael cymorth ariannol.

Y newidiadau mwyaf cyffredin mewn amgylchiadau fyddai:

- os bydd incwm eich cartref yn newid; neu
- os bydd eich statws priodasol yn newid.

Gwybodaeth am rannu data ar gyfer dibenion bwrsariaeth ac ysgoloriaeth

Bydd prifysgolion a cholegau yn cynnig gwobrau ariannol megis bwrsariaethau neu ysgoloriaethau i'w myfyrwyr. Er mwyn eu helpu i weinyddu'r dyfarniadau hyn (h.y. er mwyn pennu cymhwyster a'r hawl i'w cael, a phan fo hynny'n berthnasol, er mwyn talu bwrsariaethau neu ysgoloriaethau – 'dibenion gweinyddu bwrsariaethau'), byddant yn gofyn i Weinidogion Cymru neu'r SLC i Fyfyrrwyr am fynediad at wybodaeth y byddwch yn ei darparu sy'n ymwneud ag unrhyw gais am gyllid i fyfyrwyr ar gyfer blwyddyn academiaidd 2025/26 (yn y ffurflen hon neu yn y dyfodol).

Hysbysiad Preifatrwydd

SLC a Llywodraeth Cymru yn Rheolyddion Data ar y cyd dan Ddeddfwriaeth Diogelu Data. Rydym yn cadw gwybodaeth at y dibenion a nodir yn ein datganiad i'r Comisiynydd Gwybodaeth, yn cynnwys mesur cymhwysra i gael cyllid myfyrwyr, asesu uchafswm y cymorth ariannol sydd ar gael, talu cyllid myfyrwyr a chanfod ac atal twyll, a gallwn ddefnyddio'r wybodaeth i wneud unrhyw un o'r rhain.

Am ragor o wybodaeth ynghylch sut y defnyddir eich gwybodaeth, pwy sy'n gyfrifol amdani, a'r hawliau sydd gennych mewn cysylltiad â hyn, gweler ein Hysbysiad Preifatrwydd llawn sydd ar gael ar-lein ar **www.cyllidmyfyrwryrcymru.co.uk/hysbyseb-preifatrwydd**

Os nad oes gennych chi fynediad i'r rhyngrwyd, ffoniwch ni ar **0300 200 4050** a gallwn anfon copi atoch.

Atwrneiaeth



Os na allwch lofnodi'r ffurflen, rhaid i'ch atwrnai lofnodi'r ffurflen ar eich rhan. I ganiatáu Atwrneiaeth i unigolyn, bydd angen ichi lenwi ffurflen gyfreithiol yn nodi ei enw, y cyfnod penodol y gall weithredu ar eich rhan, a'r tasgau penodol y gall berfformio. Rhaid anfon y llythyr Atwrneiaeth gyda'r cais cyn gellir derbyn llofnod gan yr atwrnai hwnnw.

Hysbysiad Preifatrwydd



Mae'r SLC a Llywodraeth Cymru yn Gyd-reolyddion Data o dan Ddeddfwriaeth Gwarchod Data. Rydym yn cadw gwybodaeth at y dibenion a nodir yn ein datganiad i'r Comisiynydd Gwybodaeth, yn cynnwys mesur cymhwysra i gael cyllid myfyrwyr, asesu uchafswm y cymorth ariannol sydd ar gael, talu cyllid myfyrwyr a chanfod ac atal twyll, a gallwn ddefnyddio'r wybodaeth i wneud unrhyw un o'r rhain.

I gael rhagor o wybodaeth am y dull o ddefnyddio eich gwybodaeth, pwy sy'n gyfrifol amdani a'r hawliau sydd gennych chi mewn cysylltiad â hynny, darllenwch ein Hysbysiad Preifatrwydd llawn sydd ar gael yn

www.cyllidmyfyrwrycymru.co.uk/hysbyseb-preifatrwydd

Os nad oes gennych chi fynediad i'r rhyngwrwd, ffoniwch ni ar **0300 200 4050** a gallwn ni anfon copi atoch chi.

Rhannu data at ddibenion bwrsariaeth ac ysgoloriaeth



Efallai y byddwch yn gymwys am fwrsariaeth neu ysgoloriaeth. Er mwyn i brifysgol neu goleg allu pennu a thalu unrhyw fwrsariaeth neu ysgoloriaeth y bydd gennych hawl iddo, byddwn yn rhannu rhywfaint o'ch manylion personol, ariannol a chwrs yn ogystal â gwybodaeth am eich cymhwyster am gyllid i fyfyrwyr gyda nhw. Am ragor o wybodaeth am hyn, darllenwch ein Hysbysiad Preifatrwydd.

Camau nesaf ar eich taith cyllid myfyrwyr

1

Byddwch **chi** yn llenwi ac yn dychwelyd eich ffurflen gais atom, ynghyd ag unrhyw dystiolaeth, cyn gynted ag y bo modd.

**Rydych
chi
yma**

2

Byddwn **ni** yn prosesu eich cais. Os bydd gwybodaeth ar goll neu'n anghywir, byddwn yn cysylltu â chi. Ar ôl cael yr holl wybodaeth angenrheidiol, byddwn yn anfon llythyr Hawl i Gyllid Myfyrwyr atoch.

3

Byddwch **chi** yn dangos eich llythyr Hawl i Gyllid Myfyrwyr i'ch prifysgol neu goleg (os byddant yn gofyn am ei weld).

4

Byddwn **ni** yn talu eich Benthyciad Ffi Dysgu yn uniongyrchol i'ch prifysgol neu eich coleg ar ôl iddynt ein hysbysu eich bod yn mynychu eich cwrs (os yw'n berthnasol).

Byddwn **ni** yn talu eich Grant Dysgu a/neu Fenthyciad Cynhaliaeth Llywodraeth Cymru i chi.